

UGOVOR O KUPOVINI ROBA
Konkurentski zahtjev broj KZ 02/20 i KZ 03/21
(nabavka Računarske opreme)

Zaključen između ugovornih strana:

1. **JUKS Zavod za zdravstvenu zaštitu studenata UNSA**, sa sjedištem u Sarajevu, ulica Patriotske lige br.36, ID broj: 4200098290005 koju zastupa v.d. direktor Lejla Hrenovica-Bečarević, specijalista urgentne medicine (u daljem tekstu: **Naručilac**)

i

2. **“KATARINA” d.o.o. Mostar**, Ulica dr Ante Starčevića broj 48, 88000 Mostar koju zastupa direktor Nikica Bevanda (u daljem tekstu: **Izvršilac**).

Ugovorne strane su saglasne u sljedećem:

I Osnova za zaključenje ugovora

Član 1.

Osnov za zaključenje ugovora je Odluka o pokretanju postupka javne nabavke broj : 01-02-2506-1/20 od 23.12.2020. godine, Odluka o izboru ponuđača broj 01-02-412/2021 od 02.03.2021. godine u konkurentskom zahtjevu javne nabavke broj KZ 02/20 i 03/21.

II Predmet ugovora

Član 2.

Predmet ugovora je nabavka i isporuka RAČUNARSKE OPREME za potrebe JU KS Zavoda za zdravstvenu zaštitu studenata UNSA, bliže specificirana u obrascu za cijenu ponude koja je sastavni dio Ugovora.

Predmet ugovora koji se isporučuje mora biti bez ikakvih oštećenja, proizvodnih nedostataka i da zajedno sa pratećom dokumentacijom kao cjelinom, ispunjava postavljene tehničke zahtjeve.

III Ukupna vrijednost ugovora

Član 3.

Ukupna vrijednost ugovora iz člana 2. Ugovora, sa uključenim PDV-om iznosi:

12.866,94 KM

(Slovima: dvanaest hiljada osamstotina šezdeset šest i 49/100).

U ukupnu ugovorenu vrijednost su uključeni svi zavisni troškovi nabavke distribucije i instalacije.

IV Obezbjedenje sredstava

Član 4.

Sredstva u iznosu iz člana 3. Ugovora su namjenska sredstva za investiranje u opremu Zavoda.

V Cijena

Član 5.

Za isporučenu robu važe cijene iz tenderske ponude koje se ne mogu mijenjati, a sastavni su dio ovog ugovora.

VI Stupanje na snagu ugovora

Član 6.

Ugovor stupa na snagu danom potpisivanja izvršioca i traje do isporuke predmeta nabavke u skladu sa Aneksom 2 tenderske dokumentacije.

VII Rok i način isporuke

Član 7.

Rok isporuke je do 60 dana od dana potpisivanja Ugovora.

Isporučilac je dužan da 3 (tri) dana prije predviđene i planirane isporuke predmeta ugovora o tome obavijesti ovlaštenog predstavnika Naručioca, koji tačno precizira mjesto isporuke, a isporučilac se obavezuje isporučiti predmet nabavke koji odgovara dostavljenoj ponudi.

Prilikom isporuke predmeta ugovora Naručilac je u obavezi da dostavi ovjerenu i potpisanu Izjavu da predmet ugovora nema nikakvih nedostataka i da je u svemu u skladu sa usvojenom ponudom, u suprotnom predmet isporuke neće biti primljen.

Član 8.

Prilikom prijema predmeta Ugovora, ugovorne strane su obavezne da naprave Zapisnik o prijemu predmeta Ugovora, koji potpisuje predstavnik Naručioca i jednog predstavnika Isporučioca. Zapisnikom se konstatuje sadržaj i kompletnost predmeta Ugovora.



Član 9.

Ukoliko se prilikom isporuke predmeta Ugovora utvrdi da stvarno stanje primljenog predmeta Ugovora po kvalitetu i karakteristikama ne odgovara tehničkim zahtjevima iz tenderske dokumentacije, predmet Ugovora će biti vraćen Isporučiocu.

Član 10.

Izvršilac se obavezuje da će, ukoliko se reklamacija odnosi na funkcionalnost predmeta Ugovora, otkloniti nedostatak na stručan način, o svom trošku, a ukoliko se reklamacija odnosi na oštećenje, predmet Ugovora mora biti zamijenjen u roku od 8 (osam) dana od dana prijema reklamacije.

U slučaju da stvarno stanje primljenog predmeta Ugovora ne odgovara dogovorenim uslovima iz ovog Ugovora i tehničkim karakteristikama iz tenderske dokumentacije, konačni prijem neće biti izvršen. Komisija Naručioca je dužna da reklamaciju dostavi Isporučiocu odmah po utvrđivanju nedostataka, a najkasnije u roku od 5 (pet) dana.

VIII Način i uslovi plaćanja

Član 11.

Nakon stupanja na snagu ovog Ugovora, plaćanje predmeta ugovora vršit će se u roku od 30 dana od dana ispostavljenе fakture.

IX Garantni rok

Član 12.

Izvršilac je odgovoran za ispravnost predmeta Ugovora u garantnom roku.

Izvršilac odobrava garanciju na predmet ugovora - Računarska oprema u trajanju od 24 mjeseca, sa svim garantnim pravima po svakoj navedenoj stavci.

Izvršilac je obavezan da u garantnom roku obezbijedi servis i rezervne dijelove.

Član 13.

Garancija počinje teći danom stavljanja predmeta Ugovora u funkciju, do kada je izvršilac obavezan, uz isporučeni predmet Ugovora dostaviti i uredno ovjeren garantni list.

Član 14.

U slučaju kvara predmeta Ugovora u garantnom roku, izvršilac je dužan da obezbijedi dolazak ovlaštenog servisera na lice mjesta, u roku koji ne može biti duži od 48 sati, računajući od dana prijema poziva.

Svi troškovi popravke predmeta Ugovora u garantnom roku padaju na teret izvršioca.

Za svaki dan nefunkcionisanja predmeta Ugovora u garantnom roku, garancija se produžava.

Ukoliko izvršilac, u vrijeme trajanja garantnog roka, ne vrati predmet Ugovora u funkcionalno stanje u roku od 30 (trideset) dana, računajući od dana prijave kvara, dužan je da izvrši zamjenu predmeta ugovora sa novim, o svom trošku, koji mora biti istih ili boljih tehničkih karakteristika od ugovorenih.

X Ostale odredbe

Član 15.

Ovaj ugovor se može raskinuti sporazumno uz obostranu saglasnost ugovornih strana.

Član 16.

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

Član 17.

Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti naležan Sud u Sarajevu.

Član 18.

Ugovor stupa na snagu danom potpisivanja Izvršioca, a sačinjen je u četiri primjeraka od kojih Naručilac zadržava tri primjerka a Izvršilac, jedan primjerak.

NARUČILAC

Juks Zavod za zdravstvenu zaštitu

studenata UNSA



v.d. Direktor

Sarajevo, dana 03.03.2021.g.

Broj: 03-02-125/2021

IZVRŠILAC

Katarina doo Mostar



Direktor

Mostar, dana 10.03.2021.

Broj: 01-237/21